



REPUBLIKA E SHQIPERISE
BASHKIA KAVAJË

Nr. _____ prot.

Kavajë, më _____. _____. 2025

PROJEKT-VENDIM

Nr. _____ datë _____. _____. 2025



“ PËR PËRMIRËSIM TË SISTEMIT TË MENAXHIMIT TË KOPSHTEVE TË BASHKISË KAVAJË ”, “ PËR KTHIMIN PJESËRISHT TË KOPSHTEVE TË NJËSIVE ADMINISTRATIVE GOLEM DHE LUZI VOGËL NË KOPSHTE ME USHQIM ”.

- Në mbështetje të Kushtetutës së Republikës së Shqipërisë Neni 57, pika 1, ligjit nr.139/2015 “Për vetëqeverisjen vendore” i ndryshuar, ligjit nr.10296 “Për menaxhimin financiar dhe kontrollin”, Ligjit nr. 9936, datë 26.06.2008 “Për menaxhimin e sistemit buxhetor ne RSHF” i ndryshuar, ligjit nr. 68/2017 “Për financat e vetqeverisjes vendore”, Ligjit Nr. 69/2012 “Për sistemin arsimor parauniversitar në Republikën e Shqipërisë”, i ndryshuar me Ligjin Nr. 48/2018, Urdhrit Nr. 31, datë 28.01.2020, “Për miratimin e Rregullores për Funkcionimin e Institucioneve Arsimore Parauniversitare në Republikën e Shqipërisë”; Kreu II, “Arsimi Parashkollor”, Udhezimit nr.14 date 10.7.2023 “Per numrin e nxenesve per klase dhe ngarkesen mesimore te punonjesve arsimore”, VKB Nr. 68 datë 23.12.2024, “Për miratimin e programit buxhetor afatmesëm 2025-2027 dhe buxhetit të vitit 2025”, Kryetari Bashkisë i propozon Këshillit Bashkiak që në mbledhjen e radhës:

TE VENDOSI:

1. Në Arsimi Parashkollor dhe Shërbimet Mbështetëse të Arsimit Parashkollor, Parauniversitar dhe Qendrat Kulturore, hapjen e kopshteve me ushqim në Njësitë Administrative Golem dhe Luzi Vogël.
2. Në Arsimi Parashkollor dhe Shërbimet Mbështetëse të Arsimit Parashkollor, Parauniversitar dhe Qendrat Kulturore, shtohet numri i punonjësve me 11 (njëmbëdhjetë) duke përfshirë dy kuzhinierë, dy ndihmës kuzhinierë, tre edukatore, një pjatalarëse, një sanitare dhe dy roje, sipas lidhjes nr 2.
3. Për zbatimin e këtij vendimi ngarkohet Drejtoria e Burimeve Njerëzore dhe Shërbimeve Mbështetëse, Drejtoria e Burimeve Ekonomike dhe Arsimi Parashkollor.
4. Ky vendim hyn në fuqi sipas përcaktimeve të pikës 6, të nenit 55, të ligjit nr. 139/2015, “ Për vetëqeverisjen vendore ”, të ndryshuar.

Bashkëngjitur po ju dërgojmë edhe relacionin shoqërues dhe shpjegues i detajuar, bazuar në ligjishmëri.

DREJTORIA E BURIMEVE NJERËZORE DHE SHËRBIMEVE MBËSHTETËSE
Frida Gjuzi

DREJTORIA LIGJORE
Adrian Malaj

DREJTORIA E BURIMEVE EKONOMIKE
Andi Çurgu

DREJTORIA ARSIMIT PARASHKOLLOR PARAUNIVERSITAR DHE QENDRAT KULTURORE
Edmond Çurumi

SEKRETAR I KËSHILLIT BASHKIAK
Meri Biturku

KRYETARI
FISNIK QOSJA



Perlllogaritje page

Pozicioni	Paga Baze	Paga e Grupit	Shtese Kualifikim	Vjetersi (15 vite)	Paga Bruto	Sig shoq & shendet	Totali
Edukatore	58,000	14,000	4,200	5,800	82,000	13,694	95,694
Edukatore	58,000	14,000	4,200	5,800	82,000	13,694	95,694
Edukatore	58,000	14,000	4,200	5,800	82,000	13,694	95,694
Kuzhinieri	46,800			7,020	53,820	8,988	62,808
Kuzhinieri	46,800			7,020	53,820	8,988	62,808
Nd.Kuzhinieri	45,000			6,750	51,750	8,642	60,392
Nd.Kuzhinieri	45,000			6,750	51,750	8,642	60,392
Pjatalarese	44,000			6,600	50,600	8,450	59,050
Sanitare	44,000			6,600	50,600	8,450	59,050
Roje	44,000			6,600	50,600	8,450	59,050
Roje	44,000			6,600	50,600	8,450	59,050
Totali per 1 muaj							769,683
Totali per 1 vit							9,236,198





REPUBLIKA E SHQIPËRISË
BASHKIA KAVAJË

Nr. _____ Prot.

Kavajë, më _____. _____. 2025

RELACION

- ◆ Për përmirësim të sistemit të menaxhimit të kopshteve të Bashkisë Kavajë
- ◆ Për kthimin pjesërisht të kopshteve të njësive Administrative Golem dhe Luzi Vogël në kopshte me ushqim.



Baza ligjore:

- Kushtetuta e Republikës së Shqipërisë – Neni 57, pika 1.
- Ligji Nr. 69/2012 “Për sistemin arsimor parauniversitar në Republikën e Shqipërisë”, i ndryshuar me Ligjin Nr. 48/2018.
- Ligji Nr. 139/2015 "Për Vetëqeverisjen Vendore".
- Urdhri Nr. 31, datë 28.01.2020, “Për miratimin e Rregullores për Funksionimin e Institucioneve Arsimore Parauniversitare në Republikën e Shqipërisë”; Kreu II, “Arsimi Parashkollor”.
- Udhezimi Nr.14 date 10.7.2023 “Per numrin e nxenesve per klase dhe ngarkesen mesimore te punonjesve arsimore”.

Të nderuar,

Arsimi konsiderohet si një nga sektorët me impakt të drejtpërdrejtë në mirëqënien sociale dhe ekonomike të Bashkisë Kavajë dhe me një ndjeshmëri të lartë në komunitet. Bashkia Kavajë nëpërmjet Agjencisë së Arsimit Parashkollor Parauniversitar, i ka patur gjithmonë në qendër të vëmendjes kopshtet dhe e ka parë të nevojshme të përmirësojë në mënyrë të ndjeshme infrastrukturën e kopshteve, të ofrojë në mënyrë të vazhdueshme kushte të përshtatshme higjieno – sanitare, të përmirësojë mjetet logjistike dhe didaktike, të rrisë kapacitetet për përmirësimin e ofrimit të shërbimit, etj. për të siguruar shërbim cilësor në Arsimin Parashkollor. Në këtë kuadër, përmes investimeve në këtë sektor, Bashkia Kavajë ka patur si prioritet të saj të përmirësojë ndjeshëm cilësinë e shërbimit të ofruar për çdo fëmijë.

Një nga problematikat e vërejtur që ka marrë vëmendjen e Bashkisë, është ofrimi i ushqimit në kopshte. Sipas të dhënave, është vërejtur që ka një kërkesë të lartë për regjistrime në kopshtet me drekë. Për këtë arsye bashkia ka parë me vëmendje mundësinë e shtimit të kopshteve me drekë, në mënyrë që të plotësojë nevojat e komunitetit jo vetëm në qytet por edhe në të gjitha njësitë administrative dhe vecanërisht në Njësitë Administrative Golem dhe Luzi i Vogël.

- Përse një kopsht me ushqim?
- Përse në Golem dhe Luzi Vogël?

Ju bëj me dije se kopshti Golem, deri më tani, e ka ushtruar veprimtarinë mësimore – edukative brenda ambjenteve të shkollës 9-vjecare. Aktualisht ka në përbërje një staf mësimor prej 5(pesë) edukatoresh dhe një numër fëmijësh prej 112 gjithsej, të regjistruar për vitin mësimor 2024-2025.

Kërkesat gjithmonë në rritje të banorëve dhe numri i fëmijëve të regjistruar, bëri të mundur ndërtimin e një objekti të ri, të vecuar nga shkolla 9-vjecare, e cila do të funksionojë si kopsht dhe cerdhe për të gjithë fëmijët e zonës së Golemit dhe më tutje.

Objekti i ri i ndërtuar në Golem është ndërtesë 2 katëshe ndërsa objekti i ndërtuar në Njësinë Administrative Luzi Vogël është objekt 3 katësh. Të dyja objektet, janë ndërtuar me qëllimin për të shërbyer si **kopsht dhe cerdhe** në të njëjtën kohë dhe si e tillë i plotëson të gjithë parametrat e kërkuar, për të qenë njëkohësisht edhe kopsht me drekë.

Një e dhënë e rëndësishme është gjithashtu fakti që Golemi është një zonë turistike me potenciale ekonomike të fuqishme dhe me tendencë në rritje të popullsisë, gjë që patjetër do të reflektojë edhe në kërkesën në rritje për regjistrim të fëmijëve në kopsht me ushqim dhe cerdhe. Ndërkohë që edhe Luzi i Vogël, është një zonë ku përmbledh një numër të konsiderueshëm fshatrash përreth, me një numër banorësh të cilët gjithnjë e më shumë, preferojnë ti regjistrojnë fëmijët në kopsht me ushqim.

Kërkesa në rritje të prindërve për shërbimin e drekës, ka bërë që fëmijët e zonës Golem dhe Luzi Vogël, të regjistrohen në kopshtet e qytetit Kavajë dhe në këtë mënyrë, kopshtet që e ofrojnë këtë shërbim, të jenë mbi kapacitet. Kjo për pasojë, ka sjellë shpenzime të paparashikuara për familjarët e zonës së Golemit dhe të Luzit të Vogël. Regjistrimet mbi kapacitet në qytet sjellin gjithashtu edhe probleme në efikasitetin e ulët gjatë procesit të edukimit dhe nxënies së fëmijës.

Planifikimet tona, të mbështetura edhe në kërkesat me shkrim të prindërve të fëmijëve, janë që të kthehet në kopsht me ushqim fillimisht njëri nga grupet dhe në vitin 2025 - 2026 edhe grupi tjetër në varësi të kërkesave të komunitetit.

Për të gjitha këto arsye, është e rëndësishme që kopshti Golem dhe kopshti Luzi Vogël **pa ushqim**, të mund të kthehet në **kopsht me ushqim** pasi i përmbushin të gjitha standartet infrastrukturorë dhe në këtë mënyrë, plotësojmë kërkesat në rritje të banorëve të zonës.



Nr	Indikatori	Shpërndarja gjeografike	Fakt Aktual
1.	Numri i fëmijëve që frekuentojnë çdo ditë kopshtin	Golem	112
2.	Numri i fëmijëve të regjistruar në kopsht me ushqim	Golem	50
3.	Numri i fëmijëve të regjistruar në kopsht pa ushqim	Golem	62

Nr	Indikatori	Shpërndarja gjeografike	Fakt Aktual
1.	Numri i fëmijëve që frekuentojnë çdo ditë kopshtin	Luzi Vogël	52
2.	Numri i fëmijëve të regjistruar në kopsht me ushqim	Luzi Vogël	25
3.	Numri i fëmijëve të regjistruar në kopsht pa ushqim	Luzi Vogël	27

Me rëndësi gjithashtu është edhe fakti që:

- Projekti i ndërtimit të kopshtit Golem dhe i kopshtit Luzi Vogël, është i konceptuar që në ndërtim si kopsht me drekë (**ushqim**) dhe është krejtësisht brenda parametrave të kërkuara nga ana teknike;
- Kopshtet e sapondërtuar janë lehtësisht të aksesueshme nga popullata e interesuar për shërbimin;

- Mjedisi fizik , i përmbush standardet normative infrastrukturore të objektit që funksionon dhe garanton sigurinë fizike të fëmijëve në kopsht;
- Ambiente të brendëshme tërësisht të planifikuara për klasa mësimore, kuzhinë, dhoma ngrënie dhe fjetje, dhomë mjeku, sallë pritjesh për prindrit etj;
- Ambjentet e brendëshme janë të kompletuara dhe pajisura plotësisht me bazën materiale të nevojshme për fillimin e punës normalisht dhe konkretisht me krevate për fëmijët, tavolina dhe karrige, pajisje të domosdoshme të kuzhinës etj;
- Ambiente të jashtëm të pajisura me kënd lojrash dhe ambjente të tjera për sport dhe argëtim;
- Kopshti është i aksesueshëm dhe në një pozicion gjeografik tejet të përshtatshëm me hyrje të vecantë nga ambjentet e shkollës 9- vjecare;
- Qëllimi i kopshtit nuk është vetëm t'ju vijë në ndihmë prindërve me orarin 8:00-16:00, por edhe të stimulojë rritjen dhe zhvillimin e fëmijës që vjen nëpërmjet lodrave, socializimit dhe mësimi në grup;
- Ushqimi në kopsht nuk duhet parë thjesht si një proces i ngrënies së një apo disa vakteve. Duhet parë në kuadrin e procesit të edukimit të fëmijëve.

Për ta bërë këtë të mundur, kërkohet ndërhyrje ligjore dhe më konkretisht:

1. Miratimi në Këshillin Bashkiak i planit dhe buxhetit për kthimin e kopshtit Golem, në kopsht me drekë;
2. Planifikimi i punës dhe kostove për kthimin e kopshtit Golem në kopsht me drekë;
3. Miratimi i planit dhe buxhetit, në Këshillin Bashkiak;
4. Hapja e procedurave të prokurimit publik dhe përzgjedhja e operatorit ekonomik;
5. Punësimi i burimeve njerëzore të nevojshme;

- **Kopshti Golem**


Paga për: 1 (një) kuzhinier/e,
1 (një) ndihmës kuzhinier/e,
1 (një) pjatolarëse,
1 (një) roje objekti
3 (tre) mësuese / edukatore.

- **Kopshti Luzi Vogël**

Paga për: 1 (një) kuzhinier/e,
1 (një) ndihmës kuzhinier/e (pjatolarëse) ,
1 (një) sanitare
1 (një) roje objekti

Ju faleminderit për bashkëpunimin,

Konceptoi:
Edmond Çurumi



Drejtori i Agjencisë së Arsimit Parashkollor, Bashkia Kavajë

Edmond Çurumi

